

Izjava ambasadora Upravnog odbora Vijeća za implementaciju mira

Peace Implementation Council

Steering Board Ambassadors

Ambasadori zemalja članica Upravnog odbora Vijeća za implementaciju mira su sa zabrinutošću konstatirali da se uvjeti za funkcioniranje Elektroprijenosa BiH i dalje pogoršavaju, što je rezultat djelovanja i opstrukcija organa vlasti iz Republike Srpske i njihovih predstavnika.

To je u direktnoj suprotnosti sa zaključcima iz Deklaracije Upravnog odbora Vijeća za implementaciju mira od 31. oktobra 2007. godine, komunikeima od 25. juna 2008. godine i od 30. juna 2009. godine, te izjavom ambasadora zemalja članica Upravnog odbora od 12. septembra 2008. godine.

Ambasadori su podsjetili na jasan stav Upravnog odbora Vijeća za implementaciju mira iz komunikea od 30. juna 2009. godine u vezi s mogućim jednostranim potezima ove vrste od strane entiteta, koji glasi: „Pokušaji da se ponište rezultati ranije dogovorenih reformi i oslabe postojeće institucije na državnom nivou pokazuju otvoreno nepoštivanje temeljnih principa Općeg okvirnog sporazuma za mir, neprihvatljivi su i moraju prestati.“

Stoga ambasadori zemalja članica Upravnog odbora Vijeća za implementaciju mira danas izražavaju punu podršku visokom predstavniku da poduzme mjere koje smatra neophodnim da održi kontinuitet poslovanja Elektroprenosa, u skladu sa zakonom, i na taj način osigura neometano pružanje javnih usluga ovog preduzeća za dobrobit svih građana Bosne i Hercegovine.

Amabasadori zemalja članica Upravnog odbora Vijeća za implementaciju mira očekuju od vlasti Republike Srpske i njihovih predstavnika da djeluju u okviru uspostavljenih institucija i zakona Bosne i Hercegovine, u ovom slučaju Elektroprenosa BiH, kao i da djeluju u dobroj namjeri i u duhu kompromisa kako bi poboljšali funkcionalnost ovog preduzeća koje pruža javne usluge. Neispunjavanje ovih očekivanja smatrat će se jasnim pokušajem slabljenja bitne državne institucije i značajnim nazatkom u procesu evropskih integracija.